

कोरोना नेरिम याडना कोभिड १८ नेयामकी की खेलु केन ताड दिला चुक क्यान क्योप थुप्की
सिरुकी कोर्ला मिरिग तिवी गो चुवु लुडटिनगी ल्यारिमगी कोरकी लोग त्येप

Cultural Survival

शोर्पा



ON AIR





जम्बुलिङ्गला मिरिग चिछोगकी कोरोना नेयाम याडना कोभिड १९ की क्येन खेला वाई । कल्चरल सर्भाइभलकी चिछोगकी लुडठिन तड गोढिक्पाकी क्ष्योगे दि नेयामन्ये चिछोगला छ्युडगु क्येन न्ये क्योपु तड नेयानकी तुछुला चुक क्यान गोमा कि थुप्की सिने चिछोगला रोगराम किरु लाका क्रियी वान् वाई । चिछोगकी छोग्मी तिवाला नेयामकी कपला चुक कि थुप्की तड नेयामन्ये क्योपुला काड कि थुप्की राड दाक्पी मिजि चुक क्यान सुडक्योप कि थुप्की सिरुकी कोर्ला खेन्थोक तेरी तड खोड तिवी हाक कोउ केला खेन्थोग भिन्ने चिछोग ग्यूच्यो जोपला चिछोगकी लुडठिन तिवी खाक्छेम्बु ल्येगेन क्योल थुप्की । चिछोगकी लुडठिन मिरिग चिछोगकी कोर्ला खोड तिवाला राड थाक्च्योतकी वाडक्षा, थोपताड तड चिछोगकी कोर्ला खाक्छेम्बु ल्येन तड खेन्थोगतिवा तेरुला खाक्छेम्बु थाप यिन् । मिरिगकी चिछोगकी लुडठिनन्ये थोप्पु खेन्थोग तिवी क्षोग्ने तेरी वान् वाई ।

G. K. Sugam

गलिना अन्गारीमा
चोज्यिन् ग्येनकुर्वा
कल्चरल सर्भाइभल

मिग्युल

दि लोग थेपगी मिग्युल चोवोती
लुडटिनला छ्याग्लेन नाङ्गुप सरगोत्या तिवाला
कोरोनो नेरिम याडना कोभिड १९ गी क्यालु
केन ताड दिला चुक क्यान क्योप थुप्की सिरु
कोर्ला रोगराम कितुपला यिन् ।

फेन्थोग्सा चोवो

दि कोरोनो नेयाम (कोभिड-१९) जम्बुलिङ्गला
दिकी क्यालु जाटककी पर्ला जम्बुलिङ्गगी लुडवा
देरड क्येउकी मिरिग तिवी गो चुवु लुडटिनला लाका
किरु मिमाङ्ग तिवा, सरगोत्या तिवा चुक क्यानी
सुडक्योप कि थुप्की सिरुकी कोर्ला च्युड
स्यीखाक्छेम्बु लोग थेप् यिन् ।

ल्याडज्योत्

तन्दी नेछुल्ला जम्बुलिडला रड कोरोनो नेयाम (कोभिड-१९) की क्येन वाई । दि नेरिमगी कोर्ला आम्जी म्येम्बा ख्येपा तिवी तन्दा स्येग सड काड हाग को माथुप वाई । दि नेयम तन्द पर जम्बुलिडला टाम वाई । कोरोना नेरिमगी जम्बुलिडला तन्दा सग मिमाड तिवा नासु गल् सिन् वाई । जम्बुलिङ्गी पल्ल्योरला साड नोक्योन खेल वाई । दिबेला दाक्पी जम्बुलिङ्गी मिरिग चिछोगला खेल थुपु क्येन ड्युडमु जोई खोड्तिवाला टोडगु कोतुर किरुपकी कोकप थोगला लान् वाई ।

याक्पी क्ष्यान्ये ल्हासु सिसिन ताम किरु यिन्सी खाक्छे चोवो क्यानी लुडवा देरड क्येउकी मिरिग तिवी मेन्च्यो स्याप्स्यू, म्येन, छ्यु चाडगा यिन्दु मिन्दु हाग कोउ माकोउ ताड लुडवा देरड क्येउकी मिरिग तिवी जोल्हमु क्यान हाग को थुपु केला कोरोना नेरिम याड्ना कोभिड १९ गी कोर्ला खाक्छेम्बु ताड जोल्हमु क्यानी खेन्थोग पेल थुम म्ये । याक्पी क्ष्योग्ने ल्हासु सिसिन् लुडवा देरड क्येउकी मिरिग तिवीती राड्गी थोड तड च्यिताड वाई राडगी दा दाक्पी ग्युपी तेसुर साच्ये, म्येन ताड मिग्य डिड्वा योनतेनकी पाडगो वाई । तिवा तेरी च्यिग्ढील वाई ।

नेयाम दी टम्बु पर्ला लुडवा देरड क्येउकी मिरिग तिवी गो चुन वतु लुडछिन ताड ग्याढागकी खाक्छेम्बु लेगेन ज्योकीन् वान वाई । जम्बुलिड वोरुड कल्ये खेल वतु पर्ला ल्येन तिवा च्यिढील क्यानी ल्येन टेड्वु ग्याक खेउ मिरिग तिवी हाग कोउ केला तेरगोकी । दुकराड क्यानी कोरोना नेरिमकी नोग्योन वतु पर्ला सरगोत्पाकी ल्येगेन ताड खोड तिवी सुडक्योन खाक्छेम्बु वसा ल्येन्सी दी लोगतेप् जोउ यिन् ।

दि लोग ल्येप देक्षेन डिला टाम् वाई । दिछेन् थाड्पोला कोरोना नेरिमन्ये क्योपुला लुडटिनला लाका किरु सरगोत्पा तिवी ल्येगेन, सुडक्योप ताड थोग गोउ च्योथापकी कोर्ला चोस्यी वाई सिसिन् दिछेन् डिवाला मिरिग नाछोग तिवाला ग्याल्येन् जोनी नेरिमकी कोर्ला टेडबु खेन्थोग तिवा जोनी तोडगुप कोर चोवो यिन् ।

जेडत फेच किडलोच नु आम्राइचपुकि

दि च्यालाक तेसुर
नेरिम को थुपु तप्की
दिला थोन् सिन्सिमा
नरी माइक्रोफोनगी
स्पन्ज पो गौकी ।
राड तड ल्याजिनगी
मिमाडला नेयामन्ये
क्योप थुपु रड्गी
ल्येगेन यिन् ।



- ☞ दिछेन थाडपो : लुडटिनला क्ष्याग्लेन वतु तड चिछोगकी स्याप्सूवा तिवाला नेयाम को मिज्यिउ लुड्टिन सरगोत्पाकी क्ष्याग्लेन थाडपो यिन् : जम्लिड ठोत्येन छोग्छेन(विश्व स्वास्थ्य संगठन) चोवो ताड साने चिछोग, आमजी तिवी विन्दु टोड्गु तिवा डेन्नी लुड्टिनला लाका किरु तेरीला दा दाक्पी छोक्पातिवाला नेयाम तेसुर सुडक्योप क्याने छ्यासी ज्योक गाकी ।
- ☞ सारगोत्पाकी थोगला राड्गी डोशी तेर गौकी : नेरिमला स्युडगी जोउ ठीम तिवी खेल थुपु कले न्ये क्योपु तड कले मालेला क्यानी लाका किरुला सानेकी कोरसुड माक्मी, स्युडन्ये खाक्छे ल्हानी गोमाला राड राडगी डोशी वतु स्यु लाड गौकी । ग्याडढाग याडना लुड्टिनगी ल्येखुड नाडला पाडला गोउ खाक्छेम्बु थाक्च्योत लाड गौकी ।
- ☞ तेरिसिसिन कले वतु क्ष्योगला लाकाला तोडगु रिम्बाला राड्गी छोक्पी छोक्मी तिवाला ल्यामु क्यानी लागा कु गौकी । राड्गी चिछोगगी नाडला डेउ, डेमु, याडना मेन्च्यो ल्यामु म्येतु, याडना नाछा वतु मिमाङ्ग तिवा वसिन् खोड तिवी कपला नासम ताडनी खोडतिवाला खाडबान्ये राड कि थुपु लाका कुलोकी ।
- ☞ नेरिमदी दुग्गी क्ष्याग्ने च्यापा क्यासुड सिंसिन : साने चिछोग नाडला लाका कि ढोप् यिन् सिंसिन सानेकी चिछोगकी कोर्ला खेन्थोग वतु याडना चिछोगकी गोठित तिवी मुला ड्याम्डेल क्यानी खोड तिवी जोउ ठीम कि मुला लाका कि थुप्की । दि राड नेयाम न्ये क्योपु थाप थाडपो यिन् ।।
- ☞ लाका किरु दाशा ताड ल्याखुड नरी चाड्मा ज्योक गौकी : ल्याखुडगी दाशा तेरी बु स्येतु म्येन ताड सेनिटाइजरकी नरी नरी चाडमा जो गौकी ।
- ☞ माइक्रोफोनला हर्तुक क्योरु ठुल्व्ये याडना स्पन्ज थोग गौकी : दि च्यालाक तेसुर नेरिम को थुपु तप्की दिला थोन् सिन्सिमा नरी माइक्रोफोनगी स्पन्ज पो गौकी । राड तड ल्याजिनगी मिमाडला नेयामन्ये क्योप थुपु रड्गी ल्येगेन यिन् ।
- ☞ अराउरा सिंसिमा अराउरागी रिम्बाला थोउ च्यालग तिवाला सेनिटाइजर की चाडमा जोगौकी : बु स्येतुकी सेनेटाइजर म्येन कुवु मज्या कोन् थुप्की सेनिटाइजर छोडखाडला ड्योप् डेकी । च्यालक तिवा चाड्मा जोपला क्लोरिन थोक् म्यागी दिकी जोसा ल्येन्सी च्यालक तिवा ना ढी ।
- ☞ लुडटिनला मिरा डि सिंसिन ल्हाक्पा टिन्च्ये फेप् स्योप म्यागी : मिरा डि सिंसिन ल्हाक्पा फेप् स्योप यिन् सिंसिन नेता ल्हानी फेप् स्यु गौकी । मि तिवा थाक रिडबु ज्यान्ये खला खरे ग्याप्नी तिराड ल्याखुडला फेप् स्यु गौकी ।
- ☞ ल्याखुड नाडला ल्यारिम माजोवा क्यानी अनलाइन्ये ल्यारिम जो गौकी : लुडटिनगी टोत्योन्पा ताड मुला ढेल्वा क्यानी अनलाइनगी क्ष्योग्ने ल्यारिम जोपकी गोढिग कि गौकी । अनलाइन न्ये ल्यारिम जोपला खाक्छेम्बु च्यालग मेसी नाड टेलिफोन न्ये यिन्सीनाड ल्यारिम जोप तड तोडगु जो गौकी । होकला विन्दु लिङ्क टेडग तेर मोगोउ लुडटिन ग्यासिन याडना स्ट्रमकी तेन्दोकला धमडा यिन् : www.giss.tv

दि देछेन डिपाला मिरिग सरगोत्पातिवी ल्येगेनन्ये ग्याडढागकी क्ष्योगला लाका किरुला विश्व स्वथ्य संगठनगी वेबसाइट चोवोन्ये कोरोना नेरिम (कोभिड-१९) नेयामकी चठीम तिवा डिड्बु ज्योकु यिन् ।

- ☞ ल्यामु क्यानी हाक माकोउ याडना नोरु साङ्गूरला थोडछ्यूड तोडगोकी : जम्लिड ठोत्येन छोक्छेन (विश्व स्वाथ्य संगठन) गी साङ्गूर जुमा तड ल्येन तिवा ग्याढाग नाछोग तड यम्बी कोरत्येसुर ख्याब्ढा तोडगु याडना तेरुला इन्फोपेमिक छिगकी डेल्वा ग्याकी नोक । नोरु साङ्गूर तड नोरु ल्येनकी मिमाङ्गकी पर्ला थेछुम तोड्गी । तिकी जोसा ल्येन्सी थाक्च्योत मेलोक्पा कि थुष्की, दिकी तेरीला केन खेली ति तप्की जिगटाग वतुकी तोन्धाक म्येतू साङ्गूर तड हाक मोकोउ सङ्गूरला थोड तेरु म्यागी ।
- ☞ नेयामकी कोर्ला विश्वा स्वाथ्या संगठनकी विन्दु टोडगु तेन्दोग डोमा ताड दोन्दाग देन्दुकी टोडगु डोमा चोवो तेरगोकी । दिकी कोर्ला तन्दफर खेन्थोक वतद् मि म्ये, दिकी कोर्ला स्डेउ मि म्ये । ति किसल्येन्सो मेम्बा खेपा, नेयाम मेम्बा खेपा, मेम्बी रोगरम्पातिवा, ब्याक्सिन जोप खेपातिवा, नेरिम आमजीतिवी च्येप थोने नेरिमगी ताड ती नेयामकी कोर्लास्येथुष्की ।
- ☞ लुडवा देरड क्येउकी मिरिग तिवी योनतेन तड रिग्स्यूड न्ये चिथी वाउ म्येन तड लाग्लेनला ख्याब्ढा तोड गोकी । लुडवा देरड क्येउकी मिरिग तिवी मुला

नेयाम तेसुर क्योपुला तोप्स्यू ग्याउकी ग्यूपी समा तड मेन्वाकी कोर्ला खेन्थुष्की । ति तप्की लुडवा देरड क्येउकी मिरिग चिछोगगी दुको आमजी तड दिकी कोर्ला खेन्थोक वतु मिमाङ्ग तड ढोताडगी म्येनकी कोर्ला अराउराकी ल्यारिम तिवा गोढिग क्यान राङगी लुडटिनन्ये तोड गोकी ।

- ☞ राङगी चिछोगकी मिमाङ्ग तिवी हाक को थुपु केला तड ग्यालखापकी तेरि मिमाङकी हाक को थुपु केला ल्येन तिवा जोन तोड्गुप्ला रोगराम कि गोकी । मिरिग तिवी केला खोडतिवी ल्यामु ताड जो ल्हमु क्यान हाक कोउ क्यान चिछोगला फेन थोउ तड खोडतिवी थोकला हुडगु क्यानी ल्येन तिवा जोन तोड गोकी । राङगी ताम लोप थुपु मिमाङ मिमाङ म्येसुड सिसिन फामी ताम लोप थुपु मि छोलोकी । तड चिछोगकी हाक कोउ के न्येसुर रड ल्येन तिवा तेर गोकी । सानेला ख्याब्ढा तोडगुप्ला ल्येन तड जन खेन्थोग तिवा वाडी हुड थुष्की । तिवाला साड ख्याब्ढा तोड गोकी । दि दि लोग तेपूकी तिडक्ष्योग्ला कोरोना नेरिमकी कोर्ला तेन्दोग डोमाकी कोर्ला वेबसाइट तड लिड तिवा ज्याड वाई ।
- ☞ चिछोग ड्याम्बा तेसुर क्योप गोकी : नेरिमकी च्युडसीला ग्याडढाग नाछोगकी दिला चाइनिज भाइरस सिने किक्यान वाई । दिकी एसियाकी मिमाङ्ग तिवाला क्यान खेल वाई । मिरिग येन्जे तड चिछोग



टुकुपला जम्बुलिडला पेलुपला रोगरम क्याल वाई ।
लुडवा नाछोग्ने राड्गी लुड्वा लोड हुड्गु मिमाड
तिवाला नाच्या तोड्गु तड येन्ज्ये क्यान् वाई । ति
तप्की छिक तिवा ज्योकु पर्ला तड थोकु पर्ला ल्यामु
क्यान नासम ताड छिक तिवा लाग्लेन तेर गोकी ।

- ☞ मिमाड तिवी वाडक्षा थोप्ताडकी कोर्ला खेन्थोग तरु
ल्येगेन कि गोकी । कोभिड १९ नेरिमकी नेछुल्ला
मिलुडवा ज्युन वतु तड लुडवाला ज्युन वतु मिमाङ्ग,
नेर्पा तड नेपी खाडबी मि तड नछा म्येतु नेपा क्योलुप
मिमाड तिवाला सुडक्योप कि थुप्की । ति तप्की खोड
तिवाला ख्येलुक्योन क्योपुला डोवा मि थोप्ताडकी
कोर्ला ल्यारिम जोगोकी । लुडटिनला दि नेरिमकी
कोर्ला खेन्थोग तेरु तुछो देन गोक्कू । लुडटिनला साड
डोवा मि थोप्ताड ल्यारिम तिवा जोनी तोड्गुपला
तुछो देन गोक्कू ।
- ☞ नेरिक क्योपुला मिनुम तेन्दु चिडग्ये दोके तेन्दोक
म्येतु ल्यारिम तिवा तोड्गु लाका किरु म्यागी ।
तन्दा मिकी म्येनगी कोर्ला तड नेर्पू ल्यामु जोप् यिन्
सिन तम ज्याकसुड सिसिन् सरगोत्पा तड लुडटिनला
क्ष्याग्लेन नाड्गुप मिमाङ्ग तिवी दिकी कोर्ला टिच्या
ज्योक गोकी । दुको तेन्दोग म्येतु खेन्थोग, फामी
ग्यिने वाड म्यानकी तड आम्जीकी म्येनकी कोर्ला
खेप्पार ल्हा गोकीवी ।
- ☞ मिमाङ्गगी नेछुल्ली तदुगला स्यी ज्याडन्ये ख्याप्डा की
गोकी । मिमाङ्गला नेरिम कोसुड सिसिन याडना कोभिड
१९ कोन नासु गल् सिसिन ति खाड्वी यम्बा मिमाङ्ग

तिवाला ख्येलु कले तड दुक्पी चिकोर कि गोकी ।
हाकमोकोउ क्यानी टिच्या तिवा ज्योक गोकी । टिच्या
ज्योकु पर्ला राड खोडकी दाशाला देनी ल्हा गोकी ।

- ☞ चिछोग नाड्गी ल्येन तिवा ख्याब्डा तोड गोकी ।
चिछोग नाडला सड ल्येनकी कोर्ला छेन्निग्गी थाक्व्योत्
वतु मि डो श्ये थुप गोकी । नेरिम क्योपुला क्याउ
तेन्दोग तिवी कोर्ला ग्याल्खाप, चोस्यी तड चिछोगला
ढेल्वा क्याने ख्याब्डा की गोकी । तन्दी नेछुल्ला चुको
तड काड लाकातिवा किरुला क्योर वाई, काड लाका
तिवा किरु म्याग्यी सिन् वाई सिरुकी कोर्ला सड
टोड्गु कोतुर कि गोकी ।
- ☞ स्येमला ज्योक गोकी लुडटिन चा सिड्वु वतु मिमाड
की कोर्ला छोता खाक्छे तड नेरिमगी ताग थोड्सिन
तुको मिमाड तिवाला धाविन्दुकी तेरु थाग्लाम यिन् ।
नेयामन्ये क्योपुला छोता कि गोउ खाक्छे वाई ।

२.२ चिछोगगी न्येताडला थोड तेरु

- ☞ ल्कडाउन वतु पर्ला थुन्डोलकी नेताड थोडच्ये ज्योक
गाकी । खाडबा किरु लाका ल्यारिम तड तिवा
गोनी किरुको कोर्ला टोड्गु तेर गोकी । चिछोगकी
रिग्स्युण्जठण ताड किताड नातडकी कोर्ला ख्याब्डा
तोड गोकी । नेयामकी मिमाडला ख्येलु क्येन तड
दिला क्योपुला काड कि थुप्की सिरु ल्यारिम तिवा
जोनी तोड गोकी ।
- ☞ स्योनो ताड पेजा तिवाला लोप्टा ढोमा माडेनी ख्येलु
क्येन तिवा ड्युडा जोप् तड खोड तिवाला लोप्ज्योड
तेरी ल्दरिम सम्बा तिवा जोनी तोड गोकी ।
- ☞ स्योनो तड पेजा तिवाला लुडटिन काड थुपथुप
थोकुला लुडटिनकी छ्योग्ने कोर सम्बा सम्बा लोपुला
तड रोगरम किरुला लोप्ज्योड कि थोपु गेकेन तिवाला
फेप् स्युने अराउराकी ल्यारिम तिवा जोन तोड गोकी ।
- ☞ लुडबा लुडबाला लकडाउन तोरस्यी तोड्गु सिरुती
कोराना नेयाम क्ष्याकु मिन् सिरुकी कोर्ला तेरीला
खेन्थोग तेर गोकी । आम्जी तिवी विन्दु टोड्गु डेन्नी
खोड तिवी टोड्गु तिवा लाग्लेन किरुपला स्युवा बुल
गोकी ।
- ☞ चिछोगला लुडटिनकी छ्योग्ने नेताड किर्मु जो गोकी ।
ल्यामु ताड डेन्मु लुतिवा तोड गोकी । नेयामकी नेछुल्ला
मिमाङ्ग तिवाला गागाटोटो तेर गोकी । दुकराड
क्याने नेयाम फेल वतु पर्ला कोर तिवा छल्नी तुछो
च्यायीराड यिन्सीनाड मिमाङ्ग तिवाला ज्यिवा सिसिन
थाकरिडबु देतुला रोगरम कि गोकी ।
- ☞ च्यिपीकी साल्हाग दाशा तड डिम्डुल म्येने समा सिन्दु,
कले ड्युडा जोपला राड्गी नाडलाराड रोगराम किरु





दाक्पी जुला नाछा गौ मिज्यूकी नुपा
दाक्पी जुला नछा क्योपुला समा
सापलासेम श्युक गौडफेल तोगु
ताड लुडबा देराड केउ मिरिगकी
फमी गिन्ये वउ समा तिवी
कोर्ला लुडटिनला ल्यारिम तिवा
जोनी तोड गौकी । लुडबा देराड
केय मिरिग तिवी ग्युपी समा
जुला गौउ खाक्छेम्बु च्यी तिवी
कोर्ला खेन्थोग तेर गौकी । फामी
गिन्ये सयी वाउ समा मिज्यू
रिडबु क्योडगुपला रोगरम क्योल
थुपु ताम दाक्पी मिज्यू तिवाला
ल्हासीमा हाक को थुप्की ।

9

- ☞ तड किगोउ तड खोप्रा मुला वतु साप समा तिवा गोन् साप्ला सेम श्युक गोडफेल तोड गौकी ।
- ☞ कोरोना नेयाम तड ज्युकथामाला हुड थुपु यम्बा नेयामकी क्ष्योगने हुड थुपु केल्ये न्ये क्योपुला फामी युल तड म्यिजी क्योडगु कोर्ला स्विड खला दु नाजु देपु, स्विडतुड जुतुला सेम श्युक गोडफेल तेरगौकी । खाडवा वतु छोग्मी तेरीला च्ये च्ये राड यिन्सीनाड मेन्दोक जुउला टोडगु तेर गौकी । फामी गिन्ये वाउ तड साने स्येन तिवा देपूला सेम श्युक गोडफेल तोड गौकी ।
- ☞ चिछोग नाडला रोगराम किरु तड कि ज्यितु च्यिगढिल कि ज्यितु तड चुको कले वासिनाड ग्येल थुपु जोपला सेम श्युक गोडफेल तेर गौकी ।
- ☞ चिछोगला नेछा म्येता जोमकी कोर्ला नासम ताडन्ये थोगकुला टोडगु तेर गौकी । टेडगा लिडगु तड तेरु क्यासिन् सड नेरिम को थुप्की ति ल्यन्सी तुकइ लाका जटककी कोर्ला चिछोगला टोडगु तेर गौकी ।
- ☞ दाक्पी जुला नाछा गो मिज्यूकी नुपा दाक्पी जुला नछा क्योपुला समा सापलासेम श्युक गोडफेल तोगु ताड लुडबा देराड केउ मिरिगकी फमी गिन्ये वउ समा तिवी कोर्ला लुडटिनला ल्यारिम तिवा जोनी तोड गौकी । लुडबा देराड केय मिरिग तिवी ग्युपी समा जुला गौउ खाक्छेम्बु च्यी तिवी कोर्ला खेन्थोग तेर गौकी । फामी गिन्ये सयी वाउ समा मिज्यू रिडबु क्योडगुपला रोगरम क्योल थुपु ताम दाक्पी मिज्यू तिवाला ल्हासीमा हाक को थुप्की ।

१.३. वेवसाइटतिवा

कोरोना नेरिम याडना कोभिड १९ की कोर्ला मिरिग तिवी केला जोउ ल्यारिमतिवा कल्चरल सर्भाइभलकी इन्डिजिनियस राईट्स लुडटिनकी वेवसाइला ज्याड वाई ।

Cultural Survival : https://rights.culturalsurvival.org/radio-spots-search/field_radio_series/COVID-19-85/language/en/language/und

कोभिड १९ की कोर्ला तेन्दोग डोमा खेन्थोग विश्व स्वाथ्या संगठनकी वेवसाइला ज्याड वाई ।



World Health Organization <https://www.who.int/es>

कोभिड १९ की कोर्ला खाक्छेम्बु ल्यारिम तिवा सरगोत्पातिविजम्बुलिङ्गी टाग्याला साड ज्याड वाई ।

International Journalists' Network: <https://ijnet.org/en>

साडग्यूर दुरुप किरुकी सरगोत्पा तिवी जम्लिड टाग्याकी वेवसाइटला साड ल्हा थुप्क्यू ।

Global Investigative Journalism Network: <https://gijn.org/gijn-en-espanol/>



Cultural Survival

2067 Massachusetts Avenue
Cambridge, MA 02140
(617) 441-5400
www.culturalsurvival.org

Sherpa Indigenous Language, Nepal

Coordination : **Dev Kumar Sunuwar**

Translation : **Sonam Yangji Sherpa**

Layout : **Laxman Sunuwar**